



Khy-puvthe ama tapa khy liehing khy ming ca hnaanguo sa pata ama aw.



Win Win, Maw Maw, Pan Eih hne May Oo tapa tie hing capa khy lieta a awpa viesaa zaw ta ama cuo. Luokha ca, Zaata Ning ta chadaw luocakuopakhaw riy pata bia amaa pi. Khy liechung lieta a huo nguoluopa Maw Maw hne Pan Eih hne May Oo'a luokha Win Win ca aa ruole.



Khy kiekuo lie tana cakyi aa khie e, tapa ta Facebook lieta ama capepa kha nama ri kaluo tli ma?...

Haha

Haha

A viesaa tie a hmung pahne yita a thaabuo puo hne cavyi-cacuo kha apahlu-apada sa pata a mang puo. Maw Maw hne Pan Eih hne May Oo ca ama-thiy ama-hring ta ama pahnyi (Amaa thawsa'a nang)



Nama puv ca, cahaa pa thuohlaa ca Facebook lieta na hmung pata zang paluo riypa a cuo ma?

Nama puv raca, Facebook zaw Thuohlaa Pathyina (Media) lieta ama capepa thuohlaa zaw aa hmuo ma, a hmuo vama, tapa ca tuokhaatama i pachang the'a ee?



Ama bangkhuo ta chadaw luo ca ama cakuole

Bie na hiehriypa ca aa hmuopa tana a cuo; kama zaw hing **COVID-19** pasana kaw lieta thluohlaa aa hmuopa hne aa hmuolipa i pachepa hing a ruv sa. Siyybyi acuopa i uvtanung ta a ripa ca, thuohlaa ama capepa nama ri tiyta, ahung capepa ma? tapa kha nama pasie taa aa, a ta. COVID kaw hing ming-pakhpa (Attuh) hne hrievu a hnyilipa tieta ama capepa a aw thesa ne, ina ta.



Biesiysapaw (Kawlahaalah) suokha ca chang'a yi ang. Canung Kuzale kaw Facebook lieta ama capepa kha nama ri tli ma?

Heh, Facebook lieca thuohlaa ca a hluvsu papuv; na ripa ca khaapa kaw khama?



Acuo saw cuvh. Ima ripa thuohlaa kha ahlangpa thuohlaa pathyisana hneta mangpakhe taa riypa zawta a cuo. Cakiedyina, thuohlaa ahmuopa ma, ahnangcawce thuohlaa ta a cuo ma, tapa kha ima pasie khu aa. COVID kaw i ri khing kieca Hnaatluona Wunkyi zung website khana i mang taw.



Win Win ta a fung kha pahaw te Facebook lieta ama capepa kha a viesaa zaw ca a pahmung yi. A viesaa zaw cata ama mang kaluo

ဒီမှာတွေ့လား





A vaw riypan Atlawna lie hingta canung kuzale tie kha me nama pasuo hluota me a pasuopa tieta nama rue pacie riypan, tapa ta a cuo -

Canung tie hing Kung 2020 Atlawna liehing ama tling kieca Hluttaw lieta amaa tu riypan hing khyting ruoting uvthyi tie ama thlaa a zangna kaw capepa ta a cuo. Thuohlaa hrangpa suokha lieta ca - canung tie hing ama ing re, ama chungkhue re hnetamaa tawmuo nakawta ruo cuota kuzale cuo riypan taca thlaazang na a chiy, tapa ta aa cape. Capa khyruo uvthyi chekha tie khata canung kuzale tie kha me pasuo li riypan zapuv kha ama pasu. Canung tie ca ruo kiethawna hne ruo cuota biechina lie hingta aphasapata hrie khu'a va yi, tapa ta capa tie cata amazang. Khyruo uvthyi pakha kha bie amahiehriyana lieta a ri rapaca - ima ruo kiethawpana nama khing kieca me nama pasuo hluota luohning nama rue pakhaa taa na a hu, a ta.




Like



Comment

Send



write a comment



Ama bangkhua ta chadaw chungluo vaa ngie yite mung-ingkhaa amaa taa kaluo...

Ung... kama zaw zuochaaning lapha chadaw lieta capa thuohlaa kaw ama ripa ca i thyi ra sasaw


Acuosaw cuv. Hingpa thuohlaa hing rece ta tuechawpa puv nei. Kie, awcaw tie; khaapa taata ama capepa ma?

Capa thuohlaa ca a cuoli karepa nei!

မုန့်လင်းခါးအကြော်နဲ့ လေးပွဲပေးပါ။



Cawsaa ta rue taa li pata hingpa thuohlaa hing malie'a luozaw ama pathyisa kieca tuokhaa tama ima tue aa? Cata cuosala ca, canung kuzale tie ca zapuv ta me pasuo kha ung, tapa ta pasuna tamuo a cuo'a ta.



Canung tie zaw ca capaa tie haata ruo khingkhyituv cuokhuna, hryituv cuokhuna, siyybyi cuokhuna zaw ima hnyi kaluo ra thluopuv. Ima khyruo a kiethawna riypan ta canung ueryi hing a biepuv sa pa tana a cuo.

Acuo saa tle! Kama hmuo ma hnangluo zaa ningkha Ruopuv Atlawna Kawmasing Facebook ca i ri muota. Iema taca, Atlawna liehing canung hne capaa cuvü aa khingsa pata a te riypa aa biepuv na muo liesa thaa ama pi ta.

Umm... Cakyi na a khie e; tapa thuohlaa haapa kha nei. Ma thyipa thuohlaa hing aa hmuopa ma, aa hmuolipa ma, tapa kha thuohlaa hrangpa zaw hneta mangpakhe khu taata dyi pacusa riypa ta a cuo. Cakhutaata, capa thuohlaa ca hrievu ahnyituv taata a cuo ma, tapa kha pachang aa hu; Pakhingpuona ta, Atlawna kaw ta a cuo kieca, (Pakhingpuona ta, Ruopuv Atlawna Kawmasing taata) pacusana la riypa tana a cuo.

Cadyise cuo vyi, hingpa thuohlaa hing khaapa taata ma aa vaw, tapa kha rue puo aa hu. Ata zaw hing, a sie paalaa thluo pahing! Thuohlaa a pathlietuv hingta canung tie'a luu me pasuo li riypa ta a tue pahing.

Atlawna ning hluota hingpa haapa thuohlaa hing ahluv sa a vya aw kalie aa, tapa tana i rue. Thuohlaa aa hmuo lipa zaw; tuechawpa thuohlaa zaw ama pazu patlaw pawlaw aa.

Acuo, acuo; ama cana a cuo syi.



Capa haapa thuohlaa aa hmuo lipa cata cawsaa palung kalaa te canung capaa pahlyipalena zaw a pacuosa. Cahaapa ca, khy hne ruo cuo zawta phana chiykhyi li pata dimokaresi phung thlena cuota zaw a byatuv ta cuo vyi.

A cuo ne, i narung! Ima ruo mingluv khingkhuo ta a cuopa canung ueryi awli pata tuokhaa tama a cuo the aa?

Kiema bangkhuo hing aa lu lipa ruena, hmungna ima hnyi kaluo. Cakhu taata, kiema ta a hungma imaa tlaw khing, tapa zaw ca ripakhawna, bie a ina zaw a aw aa hu.

Munghingkhaw chadaw phacepa imaa tlawpa haa kha ta...

Tangeta ca, ata haapa thuohlaa hingca pa-uv sathyina suokha hmuo a aw lipa tana a cuo. Hingpa kaw hing khyiming kha changpachaa ungra sala pha vama?

Ima tue taa khu riypa ca, hingpa thluohlaa hing aa hmuo lipa tana a cuo; malie Facebook luu zaw repachaa li riypa hne LIKE zaw pi li riypa tana ima chang'a yi.

A pha ciemuo cuvü..

Aw caw tie ung! kieta khaapa ca ma ima changpachaa'a yi?



Cakhutaata, Atlawna hluota hinghaapa thuohlaa caa zaw ahluvsaa ama pathlie aa, tapa kha ima chang'a yi. Cata acuanakawta, kiema zaw ima pachang riypa ca –

- 1) Thuohlaa hruothuna pachang-pasie riypa,
- 2) Ama capepa laata ahrangpa zaw ri diy riypa,
- 3) A pacetuv kha pachangpasie riypa,
- 4) Abyatuv thuohlaa hrangpa zaw huv riypa ...

- 5) A ning a thlaa pasie riypa,
- 6) Pahnyi-sesung nata ama capepa cuo ma, pasie riypa,
- 7) Ahung kuo luota ma aa daa, tapa pasie riypa,
- 8) Ahnangcawce ta, a the hmisipa tie hiehriy riypa, ta a cuo.

– Thuohlaa aa hmuocepta pachang khangpa kieca, Ruopuv Atlawna Kawmasing Facebook caahmie <https://www.facebook.com/uecmyanmar/mangriypa> kha chang riypa ta a cuo.



Apha nei! Cakieta ca, imaa rue pakhawpa hing ima khy lie khy ming cuose, ma viesaa tiezaw cuose, ma ingchungkhue zaw cuose, hmang hrangluo a awpa uvnu zaw'a luocuose, nathyisa pachaa kaluo'a ungpuv.

Cakieta dyina, kiema bangkhuo hing ima khy lieta thuohlaa aa hmuocepta a pachangpa ta ima cuo aa; cakhutaata, Atlawna thue zawta pakha hne pakha maa lu lina kha a pa-uvsatyhi thepa ta ima cuo aa.




သင့်နှင့်အခြားသူများအား COVID-19 ရောဂါအန္တရာယ်မှ ကာကွယ်လိုက်ပါ



သင်၏လက်ကို ဆပ်ပြာ၊ ရေ သို့မဟုတ် လက်သန့် ဆေးရည် နှင့် မကြာခဏ ဆေးပါ။



သင်၏မျက်စိ၊ နှာခေါင်းနှင့် ပါးစပ်ကို လက်နှင့် ထိခြင်းမှ ရှောင်ကျဉ်ပါ။



ချောင်းဆိုး နှာရေ သည် အချိန်တိုင်း အုပ်ထားပါ။ ပြီးနောက် လက်ကိုဆေးပါ။



အခြားသူများနှင့် ၆ ပေ အကွာတွင် နေထိုင်ပါ။



နှာခေါင်းစည်း တပ်ထားပါ။



သင့်တွင် ရောဂါလက္ခဏာ ရှိပါက ကျန်းမာရေးစောင့်ရှောက်မှု အကူအညီများ ရယူပါ။

ဘေးကင်းလုံခြုံစွာဖြင့် တစ်ဦးနှင့်တစ်ဦး အဆက်အသွယ်မပြတ် နေထိုင်ပါ။



၂၀၂၀ ရွေးကောက်ပွဲတွင် ဘေးကင်းလုံခြုံစွာဖြင့် တစ်ဦးနှင့်တစ်ဦး အဆက်အသွယ်မပြတ် ပါဝင်ကြပါမို့။

